

鹿  
裘  
石  
室  
集

鹿裘石室集卷第十八

宣城梅鼎祚禹金著

詩

七言律

送觀察蹇公拜大中丞赴薊鎮

朱軒絳節向漁陽 詔領中臺執法章行部五  
湖曾作長總師六郡盡稱良地嚴鎖鑰收雄鎮  
天闢烽煙絕大荒在昔和戎非上策闕氏欲老  
漸分王

其二

燕薊傳來患屬夷本畱二衛作藩籬時聞鷹飽  
能輕颺更備狼心未易羈曠騎尚彊宜習戰南  
師增餉實虛糜黃沙望盡紅螺北虜馬頻年放  
牧遲

其三

崢嶸雙闕迴臨燕虎豹關閒臥護年萬帳風生  
青海月九陵寒控白雲天北平射石傳飛將東  
虜懷金尚欵邊專命撫循勤內治安危三輔寄

才賢

其四

傳經君昔按山東幾向扶桑欲挂弓文武聲名  
相次起河山表裏對稱雄歸心秋動邊城馬極  
目雲連碣石鴻密勿進兼安攘計先朝忠定  
紹家風

贈廖府君入覲

朱衣紫殿侍仙班近剖麟符出漢關江左隩區  
馮翊郡牕中列岫敬亭山褰帷春色行相映題

柱風流舊可攀卧治向來明主意吏民猶得

借君還

送涇川張明府應朝

明府新塗人有回生之異

梅花十月動江城花裏題詩送客行本授真符  
來玉笥便乘仙履覲瑤京夢回曾聽鈞天奏  
朝下稀聳晝漏清明到縣齋春滿路水西官柳  
最先迎

贈陳令君

自有玄心契紫霞豈須勾漏覓丹砂陶潛不種

當門柳潘岳新栽滿縣花天迥北辰尊 帝座  
星回南斗動仙槎敬亭雲氣雙谿月飛夢從君  
繞 翠華

贈岳令希伯

黃河北渡正冰堅拂歲春風共入燕官自戴星  
臨赤縣人如披霧睹青天逢時五鳳方興吏謁  
帝雙鳧盡道仙玉樹璫枝君儻賦遙知侍從在  
甘泉

寄周國雍督兵越嶲

南征斧鉞肅清霜  
棘霧蠻煙闢大荒  
別戍兩軍分赤甲  
新降七部半青羌  
神流暗溯金沙遠  
禹貢猶徵砮石良  
寄語攻心原上策  
好移卉服事冠裳

黃有發侍御遷守宕渠先按滇自楚見寄  
而蜀時有建南之役

蜀道青天望渺茫  
舊傳驄馬指滇疆  
寨帷仗鉞皆君事  
回谷深谿非士鄉  
江漲春生峨眉嶺  
雪鴻歸寒帶洞庭  
霜遙聞諸將南征日  
黃石先從授

秘方

紀張氏詩

有引

定遠張貞婦切于嘉陵凡九閱月而爲丙戌  
午日浮出江上事具尊侍御自述中邑人士  
請有司表之謂曹娥爲父而三日抱尸張氏  
死夫而九月完魄盖實錄也

哀哀黃鵠不勝歌忽奏箜篌怨渡河自是貞心  
原匪石依然完魄出層波化時填海同精衛歸  
日懷沙弔汨羅縱有好辭慚幼婦誰能片碣比



曹娥

寄懷張伯大侍御

三徑蓬蒿一畝宮，角巾歸後許誰通。  
斗間曾辨龍文闕，日下猶傳馬步工。  
玉壘浮雲連直北，金陵明月隔江東。  
向君惟有悲歌意，不減當年國士風。

田居寄吳翁晉

三江東下送行舟，聯壁常懷帝里遊。  
綠筍千林天目雨，丹楓八月敬亭秋。  
遠書更喜題無恙，舊

曲曾邀聽莫愁別後漸多田舍計元龍豪氣倦  
登樓

送仲舉侍御弟按貴竹

夷荒攬轡瘴煙開舊是蘭臺侍從才地嶮夜郎  
雲外度天遙漢使日邊來四時雨澤多占井萬  
里星光直望台春到殊方虛夢草楚雲西去鴈  
飛回

寄武林沈使君貳吳郡

嶺表曾看走傳車東來猶自阻雙魚浮家一水

臨鄉郡報 闕三年有薦書客路楓殘吳苑後  
官厨橋老洞庭初相傳百六真文在擬入靈墟  
叩隱居

早春答塞中丞薊鎮遺訊

薊門南望朔鴻疎一騎材官慰起居雪擁青油  
時緩帶春生綵筆自題書所思贈遠將金錯聞  
詔追風上玉除猶問遠山深淺黛依然消渴漢  
相如

得汪原啓金陵書憶客吳舊事

春風幾報桺顰舒何地逢人問卜居湖上扁舟  
吳苑酒渡頭雙檝秣陵書吹簫曾下仙臺鳳彈  
鏤多慙客舍魚猶憶漁陽搥鼓興長髯未老鬢  
微疎

送陳克嘉憲使赴滇

蒼梧飛傳更乘滇環佩逶迤近十年三疏高名  
懸北極百蠻開境盡南天白狼風播夷歌日金  
馬霜清漢時烟聞道昆明初息戰秋深蕭鼓汎  
樓船

周元孚司馬南署感舊有懷管登之

生芻曾憶走南州別後書陳社稷憂薄譴鴈門  
歌出塞仍遊騎省賦悲秋蘭芳楚澤催寒候木  
落淮波急晚流江左夷吾今在遠却因知我識  
心憂

早春寄吳郡沈執甫使君

江南春望奈春何忽有歸鴻茂苑過人自東陽  
傳八詠官從北闕夢三禾條風乍拂青窺柳殘  
雪初消綠上波畫舸油幢俱不薄此中行樂官

游多

吳使君招登疊嶂樓

賓主東南屬勝遊，敬亭雲鳥坐當樓。  
四圍空翠交松雨，一望新黃報麥秋。  
心遠訟庭丘壑在，興閒詩草吏人收。  
觀風自昔延陵事，試聽洋洋萬戶謳。

金陵九日子綦兄錫余誕生弟集城南有  
懷家園

何處登高不盡歡，滿城車馬動長干。  
寒遲久客

衣初授歲閏重陽菊已殘濁酒弟兄今日醉他  
山烟月隔年看扁舟蝦菜歸胡晚爲報秋風拂  
釣竿

王長公司馬招同郭次父王承父山人孫  
齊之太學徐茂吳司理鄒彥吉學憲集  
雨花臺以江南佳麗地金陵帝王州分  
韻得州字

高僧說瀟古臺畱司馬邀賓出郭遊乍許酒尊  
依白社由來冠冕重南州千門月映清淮晚六

代雲殘碧樹秋一晤玄言俱自遠  
翛然塵尾見風流

送泰符入楚吊丘潮州往謙之寄余書及

遙集編

雙涕因君灑素車西陵烟月望成虛  
夢中千里常回駕袖裏三年未報書  
馴鱷天畱斑管在畫蹀春與翠眉疎  
楚歌欲賦思公子采采湘蘭怨有餘

仲春過吳府君吏隱亭望疊嶂樓兼呈蕭



太公

幾卮濁酒半床書官舍蕭然儼敞廬樹樹梅殘  
香雪後絲絲柳嬾麴塵初從稱大隱能兼吏爲  
說新詩一起予試問謝公窓裏岫春來黛色較  
何如

寄河間王使君

先守吾郡

憶昔攀畱郭外船敬亭殘雪映江天東方車騎  
仍三輔南國甘棠近十年望入燕雲河作帶夢  
依吳岫月初弦班班投向河間醉姹女由來解

數錢

壽喻太公松江使君父

滿庭雲氣接匡廬靈壽堪辭髻未疎已賜清銜  
聯水部每饒遊興著籃輿書傳鸞海三千後簡  
授龍威百六初近說官厨秋更好尊羹新膳四  
腮魚

金陵別流波君

洞房連榻宛藏春無那辭春更別人怨入離琴  
抽絕調遊將舊劔慎防身長條窄地青攀柳新

水橫波綠上蘋催送石城雙艇去風沙回首一  
沾巾

月夜流波君偕顧孝敷劉季然子馬弟出  
送江上

玉壺美酒画蘭橈離緒遊心總易搖却逐鴈鴻  
辭舊浦空憐翡翠集新條天懸月鏡雙分笑春  
寄風輪兩度潮千里王孫江上路纖纖芳草約  
纖腰

渡江送郭汝堅劉彥嘉鄒士華

餘春北渡壯天風共把離尊感慨中鄉土歲時  
初播穀驛程蹤跡寄飛蓬出山猿鶴終相待入  
社枌榆舊許同轉送歸帆成悵望白雲無際大  
江東

珠泉亭子答彭孔嘉都尉

珠泉臺館置分明積翠流丹自削成明月出波  
光欲媚飛雲翼岫勢疑傾已從神女探龍藏更  
有仙人獻雉羹緩帶輕裘開府日懸知峴首寄

江城

過李惟寅太保

昔渡春江夢渺茫來從西第問壺觴  
翻階紅藥薰人醉踏閣青蓮散佛香  
片月乘烽秦塞遠回風吹漏漢宮長  
羽林宿將如雲盛憂國看君鬢獨蒼

送朱秉器銀臺出撫山西

河山四塞枕 土畿鎖鑰誰堪寄  
禁闈西顧重臣勞出鎮東歸降虜待  
宣威烽煙晝靜邊鴻起首葭秋深代  
馬肥清嘯滿樓明月夜五原賓從

奉光輝

送王子化別駕赴衛輝

炎風朔漠黯吹沙  
馬上紅榴醉綺霞  
到日淇園開萬竹  
行邊嵩嶽見三花  
朝歌何必輕回轍  
晝嘯真宜坐放衙  
共道海沂王別駕  
由來公輔望高華

送姚使君先生上計還趙郡

亭亭車蓋擁燕關  
謁帝承明擬賜還  
紫詔親聞裁漢殿  
寶符仍許鎮常山  
采桑南陌朝光麗

舞柳叢臺夕照閒重觀  
天顏真只尺五城端  
在五雲間

月夜宋西寧忠父擊筑齋同龍君御博十  
諸君

駉驪紫馬踏春陽朱雀航頭翠羽觴每惜漢廷  
驃騎老初逢燕市酒人狂遙宮月度鐘聲曉廣  
榭風回樹影涼河外受降城未築可能重拂舊  
干將

奉壽少傅許相公四首

玄都翠障鎮嶙峋  
岳帝高居此降神  
禹甸東圖開地紀  
堯階北極接天申  
穿雲歌引仙人胤  
夾日功懸社稷身  
舊賜黃封堪介壽  
醉從丞相吐車茵

其二

壁水橫經領譽髦  
帝師親輔聖躬勞  
泰清迥出儀鴻羽  
鼎命長占普雉膏  
後輩龍門登自幸  
早時虎觀議先操  
雙提綵筆應千象  
五夜中台望獨高



其三

坐持 國是定羣囂元氣分明酌斗杓玉帳實  
遵黃石略瑤池重進白雲謠海榴舒絳顏交映  
宮柳含青髻未凋酒對南山詩可頌後堂無用  
管弦調

其四

夔龍同列鶴同清出入 三朝見老成默相神  
明扶正直共聞 天語賚忠誠私庭旋馬原師  
儉當戶傳貂亦薄榮丹禁紫微仙路近何須輕

伴赤松行

夏夜李汝藩蒼玉館聞琵琶因共談南中

風景

風生謾謾夏雲涼河朔尊開夜未央醉撥紫槽

聲破月句裁蒼玉氣含霜

汝藩有蒼玉館集

苑西槐柳

連三市漠北炎蒸極大荒玄武湖頭君憶否蓮花如繡水爲鄉

初秋同劉玄子比部詹東圖吏部傅伯俊  
侍御夜集李惟寅太保第分得秋字

良夜青尊醉碧油帝京賓客盡名流霜前紈扇  
猶裁月風外金笳乍引秋片語每關籌國計高  
歌欲動人邊愁凌空似有仙槎路銀漢迢迢接  
御溝

何詹錄二園詩

甘露園

荆巫湘漢本多奇位置亭臺處處宜盤上露華  
分半掌鏡中峰黛寫修眉草承蠟屐傳書帶花  
亞簾衣護錦絲却月凌風堪入咏春光索笑試

百枝

采芳洲

碧檻丹樓似畫張  
望深縹緲白雲鄉  
盈盈一水瀟湘曲  
采采三洲杜若芳  
珠浦逢瓠懷漢佩  
銀河凌曉度虹梁  
木蘭我欲乘雙檝  
笑指桃蒼去路長

北邸秋夜懷流波君戲簡凌金吾伯升

北來吾自憶南游  
官渡垂楊十二樓  
笳管吹殘青海月  
烟霜望老白門秋  
流波宛轉能通夢  
薄

黛依稀漸寄愁共是春風腸斷處桃花兒馬木  
蘭舟

酒間贈張伯誨金吾

悲歌慷慨似君無愛我高陽一酒徒夢裡生花  
新綵筆望中穿柳舊雕弧周廬夜直星懸佩法  
座朝參月授珠更問麗華曾得否清朝早仕執  
金吾

即事寄薊遼摠督蹇公

列鎮由來重北門薊雲遼月扈京屯五申新令

揚兵氣三寢流言荷帝恩豈少蹲鴟歸興在  
好畱躍馬壯心存漢家正藉犁庭議寄語陰山  
吐骨渾

歷金山登翠華巖循覽躡波晚至望湖亭  
因憶夏月看蓮之會

亂峰斜日坐細縕何處鐘傳下界聞映酒巖光  
微借雪濕衣湖氣暗蒸雲寒波深黑龍常卧霜  
葉飛黃雁幾羣猶記采蓮諸伴在曾將一曲奏  
南薰

碧雲寺

金梁深鎖玉蔥籠  
臺殿中天紫翠重  
日動千峰飛作鷲  
雲來雙闕化成龍  
停鑿湛露長沾草  
閉戶流泉曲繞松  
一接爐香叅法座  
願教瓢笠得相從

至後夜卓漱甫光祿  
顧朗哉徵君華起光  
秘書何仁仲詹錄  
鄭思成計部朱汝脩  
保御李汝藩宋忠父  
徹侯俞孟武茅康  
伯周公化劉百世  
畢德彰程肇錫文學

黃士倩局使集餞鄭思純金吾宅同家  
弟泰符分得寒字

帝京風物歲將闌客路霜華滿玉鞍醉倚金吾  
寬禁夜氣占緹室漸回寒來遊宛雒隨冠帶一  
別江湘佩芷蘭歸度三山還望處餘霞如綺寄  
君餐

南歸荅許應祥使君時謫判京兆馬曹嘗  
上疏論邊事不報

送客寒花醉濁醪憐君意氣爲君豪三遷北闕



依龍仗十載西山對馬曹歸去重尋梅尉市臨  
歧脫贈呂虔刀籌邊一疏畱綈几拊髀誰分漢  
主勞

宣武門外別卓潑甫光祿何仁仲詹錄黃

平倩太史

明發催人急曙笳因君轉復戀京華金鞭更駐  
青門酒玉樹行逢白下花劍判半畱龍作影臺  
荒空詠馬歎沙上林春到憑誰賞新柳江東憶  
阿家

寶應候風前寄陸無從廣陵

估舶漕舟半蔽空孤城只尺路難通波光倒射  
籠煙日野吹深聞解凍風已作退蜚來海上先  
將歸夢度江東揚州相見梅初發爲道何郎賦  
轉工

維揚舟中送叅知陳端公赴滇省

春水微波春草柔錦帆雙挂下揚州三江雨雪  
淹離思六詔風煙屬壯遊池鑿昆明方習戰烽  
傳秦塞久防秋追鋒一借臺端出荒徼應知

聖德優

金陵寄周國雍叅伯

側身西望蜀天遙，井絡何曾隔斗杓。  
五月渡瀘銷積瘴，十年懷粵夢歸潮。  
江南新草烟如織，徼外殘梅雪滿條。  
萬里題書仍在客，烏衣舊巷白門橋。

新年一首荅流波君

舊客新年復滯淫，淮波明玉柳明金。  
自饒解佩畱歡約，誰識吹簫乞食心。  
度水齋鐘沈雨氣，隔

花歌管咽春陰啼殘絳蠹魂如夢雙鳳空飛上  
寶簪

壽崇慶叔時父

畫輪西指綰銅章一遂初衣髮未蒼有子趨庭  
稱采鳳遊僊歸肆問青羊夔州以後詩能細宛  
水新來釀倍香雲外玉笙雙引佩碧桃千樹駐  
春光

小寒食

客邊寒食似來朝遊興今年覺盡銷逆浪相邀

湖上檝賣錫何處市中簫故山草長迷新鬼別  
院花閒伴阿嬌爲問前期知近在春風春雨更  
迢迢

清明日同龍司農伯貞汪仲嘉鷲峰寺訪  
南嶽遜公司農自明州遷

衡嶽遊蹤未有涯南朝地借一袈裟行厨新火  
分蒲饌客路殘春見柳花但入雙林堪永日遍  
叅諸品盡恒沙聞君舌底潮音起渡海曾親禮  
落伽

虎丘致爽閣矚望

重重巖壑坐相邀  
閣道行空覺路遙  
古塔靈光寒徹夜  
中峰爽氣霽臨朝  
林迴澤國常畱雨  
泉溯滄溟暗應潮  
漸起笙歌殘照裏  
綠波吹蕩盡蘭橈

登上禎閣醉題

繞巖危閣白雲扶  
醉拍闌干客夢孤  
瀛海陽光如負壑  
文昌霄氣似連珠  
回波擁石開禪界  
老劍橫空弔霸圖  
鶴背天風飄鐵笛  
綠蕪烟雨度

姑蘇

荅申敬中庫部過虎丘見贈

微波一繫木蘭舟，祇樹蒼然已覺秋。  
壑冷雲霏啣翠壁，海明霞氣冠朱樓。  
點頭片石從花墜，把臂深林爲竹留。  
司馬自來多勝賞，比干方外得同遊。

虎丘月夜携酒命歌，遇孫齊之三郎聞齊之所售宅古松已得贖，余將歸約復來遊太湖兩山也。率題代簡。

曾聽南朝講寺鐘別來虎阜寄魚封新林乍接  
三珠樹舊宅聞歸五粒松月委酒波金激濫風  
生歌籟玉瑋琮洞庭霜橘須同折遍踏芙蓉七  
十峰

東歸奉別少師相公

赤手曾扶社稷安今來鄉里領衣冠籃輿晚給  
門人出初服時教父老看但借名山爲綠野一  
逢美酒卽金丹後堂絲竹憑誰到倘許彭宣得  
預歡



其二

胸藏武庫直文昌  
歷事先朝練國章  
周禮由來傳六典  
史才端合讓三長  
龍門世擅千秋業  
麟筆天垂隻字光  
金匱秘函容竊檢  
只將歌詠荅陶唐

其三

躡屩臨秋奉起居  
吳江楓老鴈來初  
禪棲半偈傳心印  
客路三圓見望舒  
書憶南皮空悵惘  
人從東閣待吹噓  
爲龍莫擬廬中卧  
霖雨曾經滿

太虛

其四

歷歷春星記北征，秋風歸興隔年生。  
浮家來往懸帆影，侍坐清和鼓瑟聲。  
斗下瞻雲丞相府，尊前攀柳闔閭城。  
太湖濤雪吳山月，杖屨仍隨取次行。

荅別敬中二丈、美中四丈兼訂洞庭之約  
兩槩西還是故鄉，洞庭飛葉忽先霜。  
碧雲鴻鴈書千里，白露蒹葭水一方。  
執轡虛勤公子駕，采

芳欲贈美人裳大文百六傳靈寶試與龍威出  
秘藏

金小槎五十初度詩以壽之

游閒游俠總輸君先代金張策漢助傳舍轉懸  
吳苑月行囊常挾敬亭雲袖中蘭草分騷佩座  
上榴花妒舞裙五十知非惟酒過年年一度醉  
南薰

贈新都吳光祿

金閨通籍盛年時若若銀章白玉姿爲喜大官

多釀酒由來光祿總能詩  
臨邛負弩先春入長  
樂聞鐘拂曙遲  
莫戀仙峰三十六  
帝城花柳待  
前期

惠山別阿佛

新波瀾瀾雨瀟瀟  
郭外樓臺寺外橋  
啼送小姬  
吳岫濕夢乘歸客  
楚雲遙催來獨檝  
迎桃葉別  
傍雙林折柳條  
試汲清泉同證佛  
此情涓滴莫  
輕消

錫山別阿佛後再別送者

美人含怨已今朝况復辭君轉寂寥寶瑟離聲  
秋不散瑤華古色照空遙孤峰帶郭常浮水一  
雨兼風驟挾潮漸去吳閭行樂地才情半減酒  
魂消

送許應祥戶曹使榆林還北

四鎮榆林地獨雄金錢頻歲給關中晉家誰問  
和戎策漢殿先論轉饒功車馬西征勞久戰星  
辰北向表孤衷捷書聞奏猶難定海日扶桑更  
挂弓

九日天逸閣卽席送謝于楚還金陵時新  
有所納

寒城一眺靄餘暉共把茱萸送客歸新好正宜  
調綠綺舊游仍許問烏衣渡頭桃葉隣堪卜隴  
上梅花使莫稀最憶長干秋漸勝登高時節賞  
心違

送俞本之以訪蕭府君至

俞吳人  
贊于楚

虛負才名衆所知半生旅食漢江湄流風尚在  
傳吳俊殊色猶憐對楚妃別酒菊殘佳節過歸

帆木落凜秋遲郡庭如水無堪贈篋有高齋視  
事詩

遠山

春風寒側雨空冥問病何人戶晝扃扶廣靈飛  
探玉笈茂陵消渴望金莖併辭齋後如泥酒罷  
草懷中吐鳳經筋力未強登矚嬾黛眉雙對遠  
山晴

夜分臨書小述

林間抱影不相酬滿几陳編會獨紬詩擬徵君

稱養疾文成楊子畔牢勞丙丁鱗次時分部甲  
戊蟬連夜盡籌三食神僊吾欲飽老來甘共白  
魚遊

端居

微風短髮拂毵毵鎮日端居僻性耽半部管絃  
沉雨氣隔城樓閣駐烟嵐孤光入夜生虛白倒  
景窺天出鬱藍漸近花朝花近眼泥人春好問  
江南

蔡應期儀部擢憲浙東



越徼春臨豸繡光親承天語出東方治兵使者  
新持節建禮郎曹舊賜香列戟清霜凝細柳挂  
弓初日上扶桑亦知 聖德母勤遠萬里滄瀛  
自畫疆

送通公歸攝山寄姚敘卿使君

臺殿蕭梁記御題浮杯秋渡宛陵溪攝生藥自  
桐君授散講花從嶺佛齊舊座逆風爭受馥還  
山圓月正堪携城南爲報髯居士半榻來分錦

石棲

公有錦石齋以名集

寄葉文光監兌吳中時有緩征之疏

秋暑熾熾秋雨遲班蘭車耳指東陸三吳財賦  
原供御五道樓船正出師抗疏緩租因歲儉遠  
書題橘待霜期鄉園實切桑林禱多是 君王  
減膳時

送高秘書東始使贛鎮還朝

使星臨部壯西行仙漢浮槎賦北征章貢合流  
開重鎮風雲上路擁神京曲池草色霑衣綠秘  
閣芸香散帙清渡海遼師猶待捷誰從 闕下

請長纓

送蕭以孚府君督學河南

璽書刻日下東京願借空懸父老情  
九鼎澗漚馮洛食七襄天漢應河精  
郡畱馴鹿行春跡家負雕龍禮世名  
國事祇今憂不細治安先策少年生

其二

遙從江漢載英靈紫蓋朱旂向雒停  
已道檐帷能化俗蚤聞絳帳更傳經  
西清夜朗占三象東

壁天垂聚五星會見簫韶還合奏來儀雙鳳在  
虞庭

其三

由來形勝重中原表裏關河勢並尊太華真源  
尋白帝崆峒同至道授黃軒圖書舊秘仍韜匱桃  
李新陰漸滿門千古文人伊洛在不將詞賦擬  
梁園

其四

春風滿坐領冠裳斧鉞威寬使者霜嵩嶽登封

餘瑞檢河宗臨拜出榮光青槐映水行應好築  
竹瞻淇詠不忘莫倚科條能盡士人龍未少臥  
南陽

泰符北歸有感示子馬

弟兄流宕命輕懸他歲他鄉各惘然畱伴客程  
遼海月難忘旅食薊門烟依稀未死訛言定相  
次能歸好夢圓家釀乍清春漸轉梅花消息近  
尊前

鹿裘石室集卷第十八

終

鹿裘石室集卷第十九

宣城梅鼎祚禹金著

詩

七言律

送陶明府遷南郡丞

山川信美尚依然形勢三分割據年早見荆州  
超從事還憑楚國問先賢巴江濤白消春雪郢  
樹空青出曉燼政暇倘呼醺醪醉應懷種秫舊  
公田

寄江陵張澤民中丞

冰雪燕京憶別初，秋風閩海賦歸歎。  
斗光仍閃飛空劍，壁影虛懸舊賜車。  
萬玉碧鮮湘圃竹，百函縹潤鄴侯書。  
吳雲郢雪江千里，西上微波雙鯉魚。

寄劉紹興公怕

漢庭玉樹賦青蔥，豈厭承明出禁中。  
金簡秘探神禹穴，竹符分鎮越王宮。  
千重洞豁天台接，三島雲霞海路通。  
先守郡祠清德在一錢，端可繼

高風

送張郡丞還桂林時伯氏方爲藩長

君家嶺表擅風流，佐郡名高謝朓樓。  
雙向雲中誇比翼，一從天際識歸舟。  
經瀧瘴盡蒼梧曉，及粵林芳桂樹秋。  
爲問江東步兵在，尊鱸鄉味昔年遊。

送孫子剛地師

曾從日馭歷人區，但隔雲車望帝都。  
重到似應歌白雀，長遊爭好識青烏。  
尊前一水遙通楚，杖



底名山半入吳回首敬亭知不厭可能還爲卜  
居無

過姚敘卿使君延秀閣戲題

苕苕高閣水泠泠水面雕欄牒畫屏地闢秦淮  
留王氣天迴牛斗辨文星塔光虹起遙相照山  
勢龍蟠若有靈只少渡頭雙檝在桃枝婀娜柳  
條青

荅林叔度宿瓦官寺閣見寄

城陰澁勒半林斜輭草雙趺飯一麻業淨六時

持寶律詩成千步發金沙臨江秋色開樓觀度  
海潮音帶洛迦已許東林修社事勞君先種白  
蓮花

南都寒夜感懷

禁城楊柳半蕭森風雨淒然起越吟客夢青溪  
三弄篴鄉心淮海十年砧但餘皮骨猶奔走虛  
負聲名任陸沈中夜聞雞還起舞悲歌惟有一  
沾巾

秋夜同朱在明郁文叔侯師之管彥懷諸

君集何比部公露侍御和仲園居

美酒名園坐夜分  
胡牀三弄月中聞  
移山石氣生蒼靄  
繞樹秋聲下白雲  
曲水樓臺諸異狀  
草堂猿鶴舊同羣  
金庭更起凌空館  
兄弟親承九事文

湘君館得花字

何勞爰轂問君家  
上客爭停白鼻騮  
爲買蝦蟆陵下酒  
儘看朱雀桁頭花  
雙鬢壁就歌中月  
三少丹成鼎內砂  
疏檻曲房迷處所  
只餘初日麗

升霞

頓姬坐追談正德南巡事

姬之先有優頓  
仁檀琵琶及角

妓王寶奴

俱見幸

武帝時巡蹕舊京主謳鉤弋並蒙榮更衣別置  
宮楊繞蹴踘新場御草平徧選檀槽催鳳拍忽  
傳金彈逐鶯聲寶奴老去優仁遠坊曲今誰記  
姓名

送吳比部奉使北上便歸豫章爲太夫人

壽

北極承恩賜對初暫因將母賦歸廬霜前黃  
鵠曾傳曲雲外青鸞有報書上國觀風推季札  
中園送喜奉潘輿章江草映春波綠早望還朝  
四牡車

初冬南歸別湘君

蕭娘怨別復蕭辰紅損流珠翠損顰落葉不堪  
持贈客名花難得久留春鴻聲叫斷雲仍續馬  
首看殘月似新有夢何知歡已歇錦衾角枕尚  
橫陳

獻歲送朱司理應召

隔歲徵書下法臺錦帆催向練江開春雷驟振  
王正月魁象遙臨帝上台瑣闥孤忠懷補闕  
金門大隱識僊才批鱗攬轡俱能事矯首高天  
力可回

其二

親按程書若發型阿衡始命自司刑俄聞獻納  
開東觀快覩扶搖起北溟一憇甘棠留故國兩  
收竹箭貢明廷蓬萊雲氣金莖露聖主端

居集百靈

荅張比孟雪中見投

垂髮相聞見面稀  
向知鄉曲意多違  
座中小異將無是  
海內虛名自覺非  
新草占年甘共卜  
殘梅驚雪苦教飛  
環城山好留君住  
醉眼來看玉一圍

子馬授郡從事南還有贈

千秋作賦許升堂  
一命新霑過舊鄉  
白馬青衫何處郡  
紫鸞翠館少年場  
竹書莫惜從民事  
蘭

佩終知是國香出入周旋須自愛漢廷原不薄

賁郎

春夜蒲上集羅子昭子厚錫余子馬泰符

因憶舊歡

春來雨雪不曾停梅已飄殘柳禁青新歲乍窺  
臨水月昨宵猶忌照泥星談深秉燭忘更跋坐  
半傳杯出古型轉憶瑣窗人醉夜柘枝雙舞珮  
泠泠

文脊之柏規寺募建千佛閣以詩代疏



丈六千身徑寸心刹那飛閣佇森森瞿硎舊隱  
山遺石長者前因地布金初界威儀開象教諸  
天梵唄下空音須知涓滴俱皈海自替韋馱直  
證今

春日放舟至水陽

出郭沿洄問舊津俄聞二月巳中旬雲端殘素  
峰峰雪風末微青樹樹春獨往自憐饒勝引羣  
芳如喜及嘉辰宵分買醉龍溪市酒釀花明月  
似銀

送麻如水司封出叅冀南時在告自家起

補二首

太行北界繞汾原  
河朔襟喉晉大藩  
銓筦九流  
販水鏡旬宣  
十部擁朱轡  
朝端一出懸公議  
國是終期定衆誼  
早晚承明重謁  
帝御筵啓  
事向來存

其二

僊郎掉臂下燕臺  
蓬戶俄驚絳節催  
勢重股肱  
新置郡品懸甲乙  
舊題材追風  
屈乘空羣櫪如

水汾清飲一杯授業西河兼扞魏斯人物色到  
蒿萊

荅孝豐吳翁升見寄約遊天目

新詩歷歷問前遊寶闕香臺望轉幽碧漢星榆  
堪紀歲白門風柳又驚秋孤雲半榻留同卧明  
月遙山照獨愁我憶祖花開幾葉年來諸有向  
空求

朱山人謁許太傅還宣城復有他適

東還花老敬亭春又折衰楊送遠人餐乞軒皇

分鼎藥醉從丞相吐車茵一坏閩海魂空寄孤  
櫬江淮涕尚新裘馬十年餘感激到今難惜倦  
遊身

綺霞閣荅蒲圻任兆慶使君

六代豪華半入蕪挂帆南下問菰蘆繭綸獨釣  
任公子蘭佩分遺楚大夫五色閣前霞散綺千  
條筆底露垂珠老春好在堪留客雪冷梅香傍  
酒壚

送王元甫舍人使祭襄府

西持玉節秘書郎卹命遙臨俎豆光晞露向聞  
歌楚些雄風猶憶賦襄王千秋耆舊遺先傳同  
姓諸侯表別疆玄嶽相望標帝時五龍宛在白  
雲鄉

送孫司理入賀

其先爲延陵徙真

萬歲嵩呼萬國歡共持金鑑表金鑾舊鄉吳俗  
題君子邁種虞廷試理官霞氣曉占臨御仗  
露華秋湛捧僊盤天心仁愛方多警聖主端

居禮泰壇

過章父叔城東莊居

蕭然吾亦愛吾廬寄矚東田興有餘好映遠山  
催緩帶每經修竹借停車銷憂暇日登樓賦力  
食逢年種樹書湖蟹乍肥散酒熟江南風味暮  
秋初

除夜追懷辛卯北還于流波館守歲

每望南雲苦憶家去年守歲在京華烏衣巷口  
曾沽酒翡翠窗間試頌花曲浦相逢捐漢珮前  
溪罷舞脫蠻靴客遊未覺歸能勝舊夢燈寒護

絳紗

早春喜晴

晴曉游光接夕曛  
山嵐氣半氛  
氳春隨綵筆  
花生早雪盡  
青郊草漸熏  
行障乍開臨  
遠水輕  
裕纔就惹纖雲  
鞠塵絲柳城東陌  
時有新鶯出  
樹聞

寄壽吳醫劉會卿

曾游名社識耆英  
似托靈樞寄隱情  
座唱鵲鹽  
如玉侍家傳  
鴻寶化金成  
桃花淥水浮  
吳舸竹

葉清尊挂楚纓誕日轉緣隣佛日長生兼得悟  
無生

送許處州彥貞入 覲兼寄湯遂昌義仍

燕雲如馬望騰驤越水飛鳧共頡頏 天子青  
陽居左个使君畫軾領東方春防海島夷情變  
夜識金銀地氣荒定有璽書相問勞御環兼得  
賜平昌

送尹令公

才地同時盡讓君試臨花縣挹蘭芬山陰令譜



從鄉授江左風謠徹  
御聞僊陛一莫重紀歲  
神霄三素近瞻雲  
獻春郭北歡迎處  
波綠雙溪  
陌草薰

六叔母郭太夫人七十敬陳圖咏

紫芝曄曄碧蘭幽  
三實蟠桃歲萬周  
一幘丹青圖瑞應  
雙棲翡翠賦仙游  
花封御誥天文麗  
木序真書雲篆留  
雅望尚聞懸柱石  
雞鳴交傲侍宸旒

送孫司理赴南戶曹

久瞻法座正威儀  
新拜郎曹領度支  
照電鵠亭傳讞牒  
貞風雀角爲陳詩  
東南重賦輸民力  
豐鎬陪京肇帝基  
權稅采金相望出  
叩天誰許借恩私

荅郭舜舉憲使

五湖爲長領煙霞  
猶憶傳經出絳紗  
尺素春波來檣李  
幾年炎嶺寄梅花  
老看筆健占神王  
早說丹成却鬢華  
千仞清溪女兒畔  
仙源應得泛仙槎

王蒲江之官寄傳伯俊重慶

風生臺閣憶當時西徼猶然滯一麾已拓夷荒  
稱有截豈臨劇郡歎無竒漢庭新奏巴渝舞青  
管遙傳黑水碑千里思君共明月平羌江水影  
峩峩

其二

世外交情十載餘同歸金竺半生虛漸諳偈頌  
詩隨就尚苦聲聞酒未除知現宰官爲說法偶  
逢關令借傳書郡齋儘有菴羅地何必雙林是

淨居

寄巴郡寒中丞

東封司馬計全疎  
西國中丞卧有餘  
海汎早辭遼督節  
雪消春寄蜀江書  
雞鳴晨省還驚舞  
龍隱雲閒任卷舒  
故吏適今爲府主  
舊臺煙月憶姑胥

送博羅黃郡丞入賀兼上績

千秋金鏡九霞觴  
銀艾垂身接御香  
早見龍池雲五色  
新瞻鶴禁日重光  
潁川計吏懸卿望  
江

夏稱童練國章家在羅浮種仙藥長生端合祝  
今皇

寄壽水部叔夏鎮

飛鳧兩覲玉宸宮分署玄熊地獨雄暫出繡衣  
滄水使仍看赤鳥黑頭公彭封壤接借籛壽夏  
鎮名留錫禹功爲頌河清清似酒桃花春浪鼓  
春風

其二

共識冰心映玉壺因占畫省卽玄都梅岑溟海

開仙胄水監蓬萊領帝符雲路翻飛鴻遙羽春  
筵新唱鳳將雛直期綠野從黃髮盛饌銅盤出  
後厨

送黃郡丞赴南司農

宛城冰雪映亭臯出祖衣冠應接勞主壽兩  
稱朝北極郎潛初願乞南曹珂鳴舊闕盧龍月  
筆擁空江白鷺濤國計只今憂不細況聞民  
力盡秋毫

其二

地重陪京卜澗瀍 詔因主計借才賢共傳雅  
道陂千頃屢職勞人郡十年鶯轉握蘭清署曉  
烏藏疎柳白門煙期君吟賞逢春色多在城南  
杜曲邊

送麻甥伯顧赴銓

雖非常日得相依自未經時作遠違實望爲吾  
成宅相猶憐有母在庭闈隨人歲月微資祿催  
客風霜早授衣遙想玉河青遍柳初騎官馬出  
皇畿

游先民見訪出示湯義仍詩依韻

問知來月閏春三到值梅枝暖向南憶我照心  
餘宛句有人被髮在江潭夜闌一榻清分夢雪  
霽千峰翠抹嵐蘭署舊時招客處可仍細帽拂

斜簪

末爲義仍招  
梅生篇語

何叔度自章元禮所至卽訪錢使君廬州  
廡下仍淹三載餘銓郎貧主客何如老狂併與  
才情減多病因教酒伴疎陌上春衣挑菜後尊  
前寒食落花初淮廬大有閒田種蒼朮清茗已



定居

夏日西樂菴訪澹居鎧公追憶香林和尚  
西郊風物日初長  
綠熟時時到上方  
天目真僧新結制  
香林老子舊開荒  
散齋餘粒禽叅午  
敷坐清陰竹供涼  
地僻由來堪恣夏  
直教橫足向閒牀

送葉文光叅知乞老不允復赴杭嚴

千騎東方舊使君  
主恩移鎮越江濱  
鷓飛未許隨風退  
驥老猶超躡日羣  
千象好占桐瀨客  
射

潮兼督水犀軍西湖小隊孤山舫到日蓮花錦  
作雲

月邦弟於開元寺左剎別峰菴初過有作  
遙聽開元舊寺鐘誰從黃檗問遺踪三千太界  
留餘地五十初叅有別峰偶到不辭新闢草再  
來多恐是栽松棠花交映茵蔯熟百遍相過信  
短筇

錢簡棲見訪要登天柱閣得湯義仍前秋  
書及詩有一枝梅在敬亭心之句

玉茗金英幾度開敬亭猶寄一枝梅羈棲遠道  
書遲達夢想平生客乍來河朔呼尊消暑會湘  
靈鼓瑟異時才山青雲白波如鏡試上凌風百  
尺臺

蕪江歌姬周華去伎爲尼募建準提菴

莫問尋香更阿誰何妨卽色爲修持迦陵本是  
僊音鳥優鉢曾開連理枝識盡空花方得果定  
來止水不生漪布金傳語諸年少最勝從前賣  
笑時

秋日史府君招登疊嶂樓

尊開北望火西流平楚蒼然爽氣浮  
共道政成多暇日由來眺遠最宜秋  
年豐歌吹宵填市雲霽嵐光晚上樓  
漸覺醉深催進酒憑闌猶自理  
筵篔

秣陵送孫唐卿歸海虞寄趙玄度

霏紅沓翠秣陵城相見鐘山對眼明  
先問酉陽搜逸典每談丙夜坐嚴更  
清秋菊蕊催携賞白露蒹葭惜去程  
爲語平原趙公子布衣十日酒

能傾

感舊寄鄒彥吉使君往王弇州雨花分詠  
主賓七人有竹林吾總愧朝簪之句今  
惟彥吉及余在

幕府清驪尚在衿廿年踪跡總浮沉皈心佛許  
開蓮社把臂人憐散竹林兩水鏡光虹對繞九  
峰黛色翠爭臨何勞相望空相憶新曲還來試  
賞音

寄吳興姚叔度兼追懷長君伯道往年叔

度在余金陵客舍方度曲驪笑王弇州  
司馬適過余俾叔度終一曲去前輩風  
流今何可得因併及之

春波茗雪遞雙魚何似扁舟叩隱居最愛難兄  
交誼好自安賢婦宦情疎白蘋草引洲前望紫  
筍茶從廟後鋤猶憶金陵高唱發却逢驃騎正  
停車

送汪初明歸新安侍祖讀書時尊人僑居  
余郡

歸鴻目送悵離羣霜後城東木葉紛侍祖代供  
豐樂水懷親還望敬亭雲月窺虛幌叅雜語霧  
隱深林養豹文瞥眼春風生瑞草松蘿先附尺  
書聞

高亭兄六秩暨嫂程夫人雙壽

金掌西瞻露氣濃璇圭南至日華重落毛遺粒  
同清隱萬个千頭比素封星聚高陽標舊里風  
遙吳市衍僊宗大茅今已傳丹訣白鶴新分治  
一峰

長公環溪兄善玄理而七十不衰因及之

馬郡博自晉闡還拜國博北上便壽尊公

司馬

絳紗舊列羨扶風 丹闕新銜拜澤宮  
多士如雲收晉問 美材時雨化吳蒙  
陽回王氣黃圖北 算益仙方碧海東  
履襪迎長歌獻壽 上林春早待鳴驄

還蒲上將移入山簡諸宗

何事經年始一歸 竹林茅屋尚依依  
貧思善後鄉居好 老悟從前市隱非  
臘雪凍除荒徑草 春



風吹長故山薇歲時簫鼓東村社耆舊追從願  
不違

吳福生舉長君二十八年而再舉子時方  
與長君並應京兆舉作此慶之

相門佳氣藹克間再見弧懸廿載餘蚌出雙珠  
光未老鳳成五采翼先舒雲屏隔座榮朝會寶  
札傳家捧御書吳氏有宋理宗賜丞相潛詩札近報桂枝秋色  
好香風吹月上翠裾

送季方叔赴廣右憲長先兩任梁

粵西瀧遠接沘湘風聲星巖極眺長官越外臺  
名易起人于中歲別難忘霜清一路黃茅瘴月  
映千林綠桂芳時向蒼梧望雲氣使君旌節舊  
遊梁

畚胡司封正父過里門見示出京候調之

作

題才雅譽在朝端別省芳薰舊握蘭清畏人知  
翻忤衆恩緣主聖許移官暫休汝騎應從減  
一息溟鵬定再搏莫謂南來阻西笑霸陵回首

望長安

影戲

紙屏一番素光新人物俄然百態陳  
宵燭內熒潛現伎日輪懸照惜傳神  
步依苔理淩波滑粧映芙蓉半面真  
三載窺臣歌有意近前猶隔宋東隣

畚東越李成白閩吳更伯見投時並寓道  
宮子方杜門兼闕更伯采真記及成白  
掌書藍後素詩

滿耳蜩蟬沸若雷  
况看赤日起黃埃  
采真約住長春觀  
謝客因疎避暑杯  
地主無能留閔叔  
廬兒有意勝方回  
由來閩越稱同域  
莫爲先秋別思催

送陳郡丞赴南戶曹二首

公先嘗爲南郎

含香漢署昔年曾  
猶喜郎潛更秣陵  
郡澤常懸金掌露  
君心直映玉壺冰  
公卿先得何如長  
穎洛高名起自丞  
欲識去思無限處  
千尋嶂疊一

江澄

其二

清谿雙帶送僊舟  
新水粼粼積雨收  
畫省風流隨得地  
白門雲物正宜秋  
雖親錢穀脂無潤  
却少朝參意轉幽  
數載郡齋吾絕跡  
勞懸一榻下南州

送胡正父司封調南儀曹

麴塵絲柳喜遷鶯  
春日春曹折贈行  
廿載新銜淹散局  
百年舊禮重陪京  
鍾陵氣王瞻雲美  
淮水吟高映月清  
自是賜環明主意  
知君久矣

欲藏名

壽許彥貞八兄七十與觀音大士誕同日  
兄嘗爲處州丞若守近惟有魏姬在侍

與君小小約雞壇風背扶搖九萬搏香界座蓮  
生佛子括蒼符竹領僊官尚留南嶽夫人侍更  
攝西方大士觀七十常佳真大慶好分邛杖得

輕安

未見周  
益州帖

贈汪初明舉秀才

與余孫鴻  
中肄業

當年同館碎藏芸此日新宮頌采芹越國累傳

楊祖武 明庭初薦擅人文一毛是鳳先成彩  
千里爲駒已絕羣家慶方重稱燕喜遙從斗下  
望青雲

攝起荅湯嘉賓司成屢過

病容雨態混朝昏帶孔頻移瘦幸存身純精靈  
猶獨寤業荒骨肉總無恩堦侵苔碧時新眼江  
繞楓青漸返魂傳得五龍酣睡法自稀剝啄到  
閒門

送萬司諭北上春試

宜興萬宗伯之族

幾載風流擁絳紗衣冠集送上京華遷鶯漸出  
龍池柳走馬新看鰲禁花五夜珮聲趨曉漏三  
春袍色暎朝霞知君舊有尚書履經術由來世  
起家

送董廣文遷思恩令

久向臯比授講徒還從龍水探玄珠一經繁露  
傳家學百里蠻煙縮令符出郭省農啼格磔臨  
池戲詠躍姬隅南天日映桑榆暖莫以炎荒畏  
遠途



癸丑元旦試筆予年方六十五是時桃杏

盡開

少年今日競歡娛  
俛仰蕭然一老夫  
凋後經寒占柏葉  
讓先遊世等屠蘇  
卦圖周復陽重畫  
圭景舒長日緩驅  
春氣乍暄來太早  
一時柳眼賺花鬚

奉寄金使君西華

江南春到浴蘭時  
每憶高齋宴賞宜  
疊嶂更開牕北岫  
萬人新拜郡東祠  
落花映彩歡承座  
梁

竹抽毫賦夾池共道補天須巨手媧都雲幄應  
占期

程君達出近詩自言學袁中郎戲荅

餘論吾何惜齒牙吳山淮水句清嘉虎賁貌欲  
中郎似優孟歌從楚相誇巧可彎弧穿柳葉戲  
將執板唱蓮花捧心終恐無妍態還學西施去  
綰紗

懷谷三叔七秩

諸父行中壽較添稜稜鶴骨雪微髯子星已過

商瞿數客宿能來漢史占負耒躬勤逢歲穰如  
弦性直儘時嫌碧筒歡進年年酒紅板長歌管  
昔鹽

荅蘊璞愚師過宛見贈

鴻泥隨處跡堪留駐錫何須定石頭宛上山依  
黃檗老淳西湖湛白蓮秋道高魔向名中起游  
倦交宜世外求已約與師焚筆研夜燈朝粥便  
休沐

送汪君度歸華亭爲壽時近中秋且留之

出山仍舊住他山不向朱門納履還  
游子久驚千里外畫師多在五茸間  
臨岐圓月留分賞相憶孤雲獨去閒  
秋爽鱸肥堪入饌高堂碧酒渥丹顏

送許道甫憲使飭兵辰常

宦游北駕復南轅班馬蕭蕭衆不喧  
蘭草正宜搴楚澤桃花今異避秦源  
駐年九轉丹砂就閃日千行赤羽翻  
文獨讓君兼武備騷壇曾昔奉  
窠韃

荅黃池雷居士兼訂開元閱藏之約

流澌殘臘報春生對雪新裁郢調成  
多日蓬深張蔚宅幾年花發楚王城  
臨溪纓濯高人影布地金傳長者名  
聞向開元探海藏一千龍象待經行

夏日携宜伶蒲上子綦兄以病不與會  
貽詩致豔有北牕羲皇之語奉荅一章

向來相逐少年場老去猶存舊態狂  
君自北牕眠白日我携西部理清商  
度聲雲住紅牙板軟

舞風單碧玉裳，卻笑才名曾忝竊。祇從顧誤說  
周郎。

贈右覺義清公

半仗 皇恩半佛威，早從鹿苑奉 鑿闡合依  
祇律操丹管，不礙僧兼愛紫衣。蓮漏更疑宮箭  
出，柏香常引御煙歸。碧空無際流觀處，朱戶蓬  
門誰是非。

鹿裘石室集卷第十九

終